

26530 4
DISSERTATIO INAUGURALIS MEDICA,
DE
INITIO MENSIVM
INITIO MORBORUM,

Q V A M
AUSPICE DEO PROPITIO
Et Consensu atque Auctoritate Gratiſſæ Facultatis Medicæ,
IN ALMA REGIA FRIDERICIANA,

P R Æ S I D E
DN. D. MICHAELE ALBERTI,

SACR. MAJEST. REG. BORUSSIÆ AULICO ET CONSISTORII MAGDE-
BURG. CONSILIARIO, MEDICINÆ ET PHILOSOPHIÆ NATURALIS
PROFESSORE PUBLICO ORDINARIO, ETC.

FACULTATIS MEDICÆ DECANO SPECTATISSIMO,

Domino Patreno, Præceptore ac Promotore suo omni honoris cultu prosequendo,

PRO GRADU DOCTORIS,

SUMMISQVE IN MEDICINA HONORIBUS ET PRIVILEGIIS
DOCTORALIBUS LEGITIME IMPETRANDIS

HORIS LOCOQVE CONSVETIS,

ANNO MDCCXXV. D. JUNII.

PUBLICÆ AC PLACIDÆ ERUDITORUM VENTILATIONI SUBJICIET

AUCTOR ET RESPONDENS

SAMUEL GODOFREDUS SAHER,

MÜNCHBERGA-BARUTHINUS.



HALÆ MAGDEBURGICÆ,
Typis IOANNIS CHRISTIANI HENDELII, Acad. Typogr.

V I R O

NOBILISSIMO AC PRUDENTISSIMO,

D O M I N O

G O D O F R E D O D A N I E L I


S A H E R O,

CIVITATIS MUNCHBERGENSIS

CONSULI PRIMARIO,

ETC. ETC.

PARENTI SUO OPTIMO.



V I R

NOBILISSIME AC PRUDENTISSIME,

PARENS OPTIME

SI qua æquum & verum est, quod ex rationis dictamine clarum & omnium prudentum suffragio stabilitum, liberalitati & beneficiis deberi gratitudinis si non semper condignum parilisve pretii *ῥεμπήσιον*, attamen perpetuum qualitercunque compensandi studium; pietati pariter consentaneum videtur, quo hoc officii genus erga parentes ab ingenuis liberis, qui illorum cura pie & honeste educati sunt, ita observetur, ut hi illis tanquam summis suis in-

ter mortales evergetis animum demerendi
studiosum intensissime non saltem voveant,
sed quoque, sicubi licuerit, quam fieri pot-
est luculenter comprobent atque exhibeant,
quo quidem gratitudinis vinculo dum hac
ratione continentur omnes liberi, qui saltem
sobria, licet cæteroquin plebeja, institutio-
ne fructi sunt, eidem utique eo magis adstricti
apparent illi, quorum rationibus ultra vul-
garem methodum adhuc lautius prospicitur
peculiari paterna liberalitate & benevolentia.
Hæc cum non simplici vice apud me confide-
rarem & TUAM, PARENS COLENDIS-
SIME, operam, quam in rebus meis ador-
nandis plane singulari & indefesso studio
semper navasti, simul ad animum revocarem,
haud difficulter jam dudum, quantum TIBI
debeam, agnoscebam. Hinc semper occa-
sionis, qua mei officii rationem erga TE, si
non explere, tamen inire liceret, cupidissi-
mus tacito in me ipsum pudore & in iniquam
sortem indignatione sæpius vertebar, quod
nondum illud exequi hætenus licuerit ea,
quam optabam, ratione. Interim hujus
spei diuturna frustratio adeo non defatiga-
vit animum ista intendentis, ut potius ad in-
tensi-

tenfius adimplendi propofiti defiderium accenderet, quod quidem non incaffum mihi foviffe videbar, ex quo intellexi, publicæ luci eruditionis Specimen a me effe exponendum, cum illico talis occasio fatis commoda appareret imo decerneretur, qua non folum TIBI fed fimul pluribus, quantum meum in TE fit obfervantiæ ftudium, quadantenus poffet declarari. Dum itaque hæc anticipata opportunitatis fpec cum Deo & die demum eo ufque in effectum deducta eft, ut prædictum Specimen in lucem prodire poterit & debuerit, non dubitavi, taciti voti, quod illi fuperftruxeram, fidem publico nunc testimonio folvere TUOQVE, PARENS OPTIME, chariffimo nomini præfentem difputationem, tanquam monumentum grati animi, confecrare & infcribere, filiali fiducia fretus, fore, ut munusculum hocce quamvis TUIS in me meritis longe impar & admodum leve ac vile exiftat, pari tamen æftimatione minus accipiendum cenfeas. Fac igitur tantummodo, ut fpem in TE collocatam confirmes & aliqua Tuæ approbationis criteria commonftres, quorum quidem fat luculentum & fufficiens erit illud

unicum, si amorem, quem hactenus erga me fovisti, illibatum retinere in posterum non dedignaberis. Quod reliquum est, ardentissimas preces pro TUA ET DULCISSIMÆ CONJUGIS incolumitate & longævitate fundo, faxit ille, ad quem diriguntur pia vota, ut non in cassum fiant, sed cum larga benedictione in VOS redundent, quo adhuc diu in VOBIS sospitibus & florentibus mihi ac toti nostræ familiæ perpetua gaudendi occasio relinquatur. Vale, & ulterius rebus favere & consulere perge

V I R

NOBILISSIMÆ AC PRUDENTISSIMÆ,
PARENS OPTIME

Dabam Halæ Magd. d.

Junii 1725.

Obsequiosissimi Tui filii

A U C T O R I S.



PROOEMIUM.



Actuum humanarum vix ullam ita levis esse expeditionis quin in expertis quantumcunque difficultatis afferat primordialis illius aggressio, adeo per vulgata res est, ut illius non solum notitia nobis a primis tyrocinii Scholastici annis decantato illo dicterio: *Omne principium grave*, instilletur, sed etiam veritas proprio exemplo jam tum non obscure innotescere incipiat. Confirmationem vero hujus asserti, quod vulgo de moralibus actibus enunciari solet, non unice his esse superstructam sed parili certitudine saltem non omnibus ita obvia fundatam in vitalibus nostri corporis functionibus, plures, qui in eodem in solito motuum modo ac apparatu instrui debent actus nos non tam suspicari quam potius vere credere jubent. Pluribus exemplis id jam commonstrare hic loci non convenit, nec etiam attinet, cum hæc materia jam ab aliis satis dilucidata
pro-

proftet. Unicum ex multis specimen, quod inter reliqua eminens, evidens & frequens est, sistere placet in initiantibus menstrui negotii moliminibus, hæc enim utut operose interdum instituta quam ambigue & impeditæ plerumque succedant non tam mortua observationum monumenta, quam viva exemplorum documenta affatim declarant. Interim hujus initialis difficultatis ea quoad effectum disparitas conspicitur in prædictis discretis actibus moralibus nimirum & vitalibus, ut in illis præter aliqualem molestiam & fastidium quoddam animi vix quicquam eminentis periculi aut præsentis noxæ involvat, in his vero sensibilia incommoda & damna corpori non tam comminari quam actu sæpius cito inferre soleat, id quod de posterioribus in allegato exemplo primo parturientium mensium non obscurum esse potest ei, qui animadvertit, quot virginum, quæ impuberes optima sanitate & amœnissimo genarum flore conspicuæ fuerant, sub iniquo illorum accessu & fluxu brevi temporis spatio utriusque tam insignem & difficulter reparabilem jacturam patiantur. Quæ cum ita sint, ut nimirum tantum momenti resideat in prima menstrui negotii instructione, eo magis utique necessarium videtur, quo diligentiore studio illi advertant & prospiciant omnes, qui curatores solertes & periti rectores muliebris valetudinis esse cupiunt, hoc vero vix condigne fieri poterit, nisi rationem, qua ista difficultas innititur & indolem difficiliorum moliminum menstrualium quoad processum & effectus suos paulo intimius perspectam habuerint, quæ sane notitia rite per-

percepta & applicata uti generatim in toto stadio mensium, ita in specie initiantium iisque connexorum morborum rationali scrutinio & fundamentalī curatione omnem fere paginam absolvit. Hæc dum apud me expendebam & in virginalibus præcipue affectibus non exiguum multorum defectum ex commemoratæ animadversionis neglectu oriundum deprehendebam non indigna videbatur ista materia, quæ peculiari tractatione excutiat & commendetur hac occasione qua Inaugurali Disputationi thema medicum eligendum erat, confirmavit me in hac sententia *D. D. Præsidis* plenaria approbatio, imo excitatio, quo minus dubitarem proposito instituto insistere. Insisto itaque hac vice & negotium istud sub titulo: INITIUM MENSIIUM INITIUM MORBORUM in medium producere laborabo. Largiatur, qui hac in re voluntatem suppeditavit etiam vires eidem exequendæ necessarias, quo ita perficiam, ut nemini justam reprehendendi occasionem, sed multis exoptatam insignem utilitatem afferat præsens meus conatus.

§. I.

INcurius nimium imo injurius in salubritatem muliebris fluxus in dissertationis inscriptione multis procul dubio videbor, quando terminum morborum, a quibus tamen generatim nulla ætas hominum immunis existit, saltem in incipientis pubertatis periodo & quidem in tali causa collocatum perspicient, quæ plane contraria ratione in sanitate tuenda & restauranda efficacissima non tantum ab omnibus medicis prædicatur, sed etiam sæpi-

us in ipsa experientia deprehenditur. Verum ne in erronea hac opinione & in titulo quicquam dubii relinquam, placet illius sensum succincta explicatione statim in limine dilucidare & remota aliena, quæ forsitan ex eo elici posset, interpretatione, genuinam, quam intelligo, indicare & exponere.

§. II.

Ita mox circa ejus prædicatum moneo, illud a me ne utiquam ita simplici & generico significato accipi, quasi omnes foemellæ tunc demum morbis subjiciantur, quando menstruum fluxum experiri incipiunt, dum satis conscius quod ipsarum ætas antecedens æque ac in sexu virili multis iisque sæpe satis fonticis affectibus pateat.

§. III.

Deinde, quod subjectum concernit, tunc iterum non ita promiscue & indiscretim omnem mensium ortum pro tam ominoso declaro, ut sibi semper habeat conjunctum morborum proventum, utpote etiam hac in partem me non fugit, quod multæ virgines hujus negotii auspicia non solum citra insignia incommoda & valetudinis offensionem, sed etiam interdum plane cum euphoria & præcedentium pathematum levamine superent.

§. IV.

Sed mihi in titulo, quem dissertationi meæ præfixi, unice sermo est de initiantium mensium *anomalo & præternaturali statu*, quatenus illi variis modis vel diuturniore emanatione & difficiliore eruptione, vel inconvenienti quoad quantitatem aut qualitatem evacuatione, irregulari continuatione, plusve minus cito subsequente plenaria retentione varios heteroclitos motus & morbosos effectus in œconomiam vitalem (imo multoties quoque animum) inducere, diu sustentare & multiplici sub schemate in posteram ætatem sæpe transferre solent. Et secundum hanc explanationem imbecum constitui tales menstruales morbos in præ-

præsenti tractatione specialius considerare & evolvere, tali quidem ordine, ut primo præmissis singularibus singulorum temperamentorum circumstantiis atque respectibus, quos juxta diversam motuum & corporum constitutionem involvunt, exinde cuilibet magis proprios affectus eruam, deinde damna, quæ ex hujus notitiæ neglectu & defectu in praxi observantur, indicem & demum rationem ac methodum, qua ista commode præoccupari & tempestive emendari possint, commonstrem.

§. V.

Antequam vero ad has considerationes progrediar placet cum præsens disputatio in primis versetur circa mensium initium de hoc etiam paucis meam declarare sententiam & saltem de nota Hippocratis observatione, decimo quarto ætatis anno terminum mensium primordiale assignante hoc monere, quod illi quidem in tantum subscribam in quantum pluribus exemplis suam veritatem etiam hodiernum comprobant, interim tamen non ita plenario assensu suffragari, quasi nullam exceptionem pateretur, cum haud rara testimonia mensium citius vel tardius citra sanitatis offensionem erumpentium suggerant fide digni observatores, quorum inter plures unicum *Simonem Schultzi* allegasse sufficiat, qui dicit, notæ sunt nobis puellæ sanæ, vegetæ & robustæ, apud quas vix 17. 18. 19mo 20mo ætatis anno fluxus ille inchoavit. *Conf. Ephemer. N. C. anno 1672. obs. 161. pag. 234.* Judicamus itaque, quod pro varia subjectorum activitate differente vicariarum excretionum assuetudine & successu diversa assumptorum ratione & in primis motus potusque discreta conditione maturius vel serius eruptio mensium in foemellis contingere possit. Interim horum diuturnior emanatio, quæ vel spissioris vel qualitercunque depravati sanguinis vitium conjunctum habet, suspitione non caret, dum experientia satis compertum est, talismodi cun-

stationem vix unquam aliquid boni utero ejusque evacuationi ominari.

§. VI.

Quando itaque nunc animus est, ipsum negotium prædefinita methodo pertexere & secundum illam primo erudiendi & excutiendi veniunt morbidi effectus seu affectus ex initiantium mensium difficilioribus moliminibus oriundi, prout illi seorsim cuilibet temperamento magis proprii existunt, tunc merito attentionis circa verba: *magis proprii* adhibendæ benevolum lectorem admoneo, ne forsitan essentialem differentiam subintelligat, quasi *omnes* ejusmodi morbos menstruales juxta temperamentorum diversitatem pro toto genere aut ipsa specie discretis haberem, quæ mens mihi haud est, (optime nimirum intelligens generalem temperamentorum identitatem, quam ratione structuræ corporis in universum & intuitu causæ materialis objectivæ nimirum redundantis humorum abundantiae in prædicto mensium statu speciatim, communem habent, in isto etiam multos compares producere effectus e.g. torminosarum stricturarum in abdomine, tractionum per dorsum, pressorii & gravativi doloris in lumbari & ingvinali regione, capitis doloris, lassitudinis artuum, alvi irregularitatum, appetitus imminutionis, vitiatae digestionis &c. imo pluribus communes involvere eventus, cachecticos, hypochondriaco-hystericos, atrophicos, hecticos, phthificos, œdematosos, hydropicos & similes) aut tantummodo tales strictiori sensu peculiare affectus explicare intenderem, quod iterum a meo proposito alienum, dum illis terminis saltem denotare lubet illam prævalentem dispositionem seu prærogativam, quo temperamentum aliquod præ altero his vel illis morbis frequentius, citius & magis ordinarie obnoxium deprehenditur.

§. VII.

His præmissis prosequor demum propositum scopum &

& ita considerationi primo subijcio *Temperamentum Phlegmaticum*, quod utique ob eminentiorem suam inhabilitatem, quam in mensium instructione declarat, primatum meretur. Hujus enim conformatio corporalis & inertior ac segnior motuum indoles uti generatim hæmorrhagiis legitime instruendis minus adaptata comparet, ita potissimum mala hæc prædispositio luculenter conspicitur in earum principalissima specie, nimirum uterina, tam circa illius inchoationem seu primam molitionem, quæ plerumque admodum tarda, (dum sæpius imo ferme ordinarie usque ad 16, 17, 18mum ætatis annum differtur) quam in ejusdem prosecutione, quæ pariter segnior, multis difficultatibus præpedita & efficaci successu diu destituta esse solet. Hinc præ reliquis huic constitutioni familiare est, ut frequentius jam diu ante actualement mensium eruptionem multis morbidis afflictionibus infestetur & quidem ferme plane iisdem, quæ alias illi in horum suppressione familiares existunt, inter quos præ cæteris magis vulgaribus proximo §o indicatis præcipue commemorari merentur catharrales affectus quibus juxta genericam suam constitutionem corporis spongiosioris & humorum aquosiorum hoc temperamentum speciatim sub menstrualibus difficultatibus in juniore ætate peculiari proclivitate expositum deprehenditur, hinc foemellis isti addictis non infrequenter demum sub appropinquantem pubertatis terminum ejusmodi mucido-serosi decubitus humorum & consimiles excretiones in primis in capite obtingunt, quales in aliis diu stabulari & continuare, in aliis vero per supervenientes diarrhœas aut tempestivam & congruam mensium eruptionem plus minus cito immitti ac aboleri solent. Præterea intuitu prædicti corporalis habitus nostræ considerationis foemellæ citius cacochymicum statum ex talibus mensium tardiorum & difficiliorum ataxiis reportant celeriori gradu in his subjectis in cachecticum transeuntem, cujus plerumque prodromi ac co-

mites deprehenduntur inflationes abdominis & pedum, in his posterioribus suspectos illos & molestos œdematosos tumores constituentes, qui sæpe sua recessione vel retropulsione fontica damna in interioribus nobilioribus partibus corporis repente excitant. Optime vero jam suo tempore hanc posteriorem observationem cognitam habuit *Hippocrates*, quam declarat in *Epid. 6. Sect. 1.* ubi dicit, quod mulieres aquosæ (phlegmaticæ) si ipsis menses non celeriter prodeant, tumoribus conflictentur & infestentur. Cæterum, uti phlegmaticæ constitutionis non solum corporibus physico, sed etiam animis morali sensu major mollities insidet, ita hoc posteriori respectu vix alia (nisi forte sanguinea fuerit) illi comparem propensionem ad nauseabunda molimina & animi defectiones fovet. Notatu autem digna est illa circumstantia in commemoratis affectibus, quod non indiscretim *omni tempore* ad minimum non pari vigore affligant, sed quod invasione vel exacerbatione sua potissimum sequantur illam periodum, quæ alias mensibus solennis est, haud obscure hoc ipso declarantes illam affinitatem & arctiorem connexionem, quæ ipsis cum his intercedit. Talibus itaque pathematibus præcipue phlegmaticæ foemellæ familiarius divexari & detineri solent sub nudis mensium primo parturientium moliminibus ante actualem ipsorum eruptionem, quæ si demum obtingat, spem quidem melioris & mitioris status exinde capeffunt mulierculæ sed rarius ita fidam, quin plerumque eventus contrarium edoceat. Dum enim ejusmodi diutius retenta & agitata evacuatio ordinarie ita comparata est, ut minus liberi & legitimi successus criteria exhibeat, sed solennius in ipsa excretorum humorum qualitate & quantitate eximium defectum declaret, fit inde plerumque, ut non solum nihil levaminis, sed potius exacerbationem præcedentium pathematum involvat & potissimum inquietudines in abdomine & sensum circa ingvina insigniter exasperet, imo cum vix unquam

quam solennem menstruam periodum observare soleat anomala talis excretio, sed admodum inordinato ac inconstante typo procedat eo crebriores etiam turbæ familiarius cooriuntur intermedio fluxus tempore, quo alias motuum auctiorum aliquales induciæ observantur, ut inde ferme continuo ejusmodi miseræ juvenulæ morbosum corpus circumferre debeant. Accedit interdum his calamitatibus suspectus & odiosus ille fluor albus prædicto temperamento præ reliquis infensus sub talibus diuturnis menstrualibus ataxiis, qui nonnunquam diu continuare & mensium anomalicum statum eo magis confirmare solet. Hæc singula itaque pathemata, quæ hætenus commemoravi, cum admodum contumaci causæ innitantur, communiter diutius insistent & nisi quandoque matrimonium & puerperiam medelam tempestive adferant, sæpius cladem suam in omnem reliquam ætatem protendunt cum perpetua fœcunditatis & sanitatis privatione, donec demum citius vel tardius in multis invalescentes tumores vel in nonnullis plane hydrops superveniens finem calamitosæ vitæ accelerant.

§. VIII.

Postquam itaque nunc primum specimen nostræ tractationis præcedenti §pho exhibui in temperamento phlegmatico, placet nunc secundum sistere in *Melancholico*, tanquam illi priori in menstruo negotiò tam quoad inchoandi tarditatem, quam erumpendi difficultatem simillimo. Possidet enim pariter talem corporalem habitum, qui ob spissiorum humorum consistentiam & fibroso-musculosarum actunicacearum partium densiorem structuram facilius & expeditis sanguinis spontaneis evacuationibus minus accommodatus est, sed moliminibus hæmorrhagicis diuturnis præ reliquis favet, quæ sæpius non solum multa commoda & pathemata, sed plane eximia damna impeditiore suo successu involvere solent in mensium, si qua in alia sanguinea difficiliore eluctatione perquam conspicua. Prout autem evidens

dens disparitas hujus temperamenti a præcedente apparet in valore motus, qui in præfenti ob minorem humorum fluiditatem non solum debet, & ob firmiorem partium texturam potest, sed etiam solet intensius exerceri; ita quoque hæc differentia eo dilucidius dispalescit in prædicta mensium difficiliore perruptione ex pathematibus illam stipare solitis, quæ ita comparata communiter esse solent, ut de majore impulsus vigore testentur. Sic enim subjecta, de quibus nunc sermo est, sub commemorato statu citius & exquisitius percipiunt illos circa uterum ejusque confinia insistentes conatus & connisus eluctatorios dolorifice tensivum & pressivum sensum inferentes cum præcurrentibus & concurrentibus per reliquum abdomen oberrantibus spasmis conjunctum, qui posteriores eo magis exacuantur, si humores exitum affectatum non invenientes paulo latiores restagnationes formare & magis versus epigastricam regionem compelli incipiunt, ubi insimul tam in hypochondriis stricturæ & pressiones, quam in præcordiis angustationes, nec non cordis palpitationes citius increbescere & ingravescere solent, quæ quidem pathemata non parum communiter exasperat consueta huic temperamento alvi segnitie & adstrictio ordinarie in talibus ataxiis menstrualibus contumacior ac ob fortiores sanguinis repressionses eo periculiosior. Sub isto vero turbulento corporis statu ipse animus ægritudine non vacat, sed satis eminentibus alterationibus familiariter subjicitur, quæ potissimum in majore ejusdem angore, meticulosa sollicitudine & tristitia consistunt ac ejusmodi patientes non solum sub vigiliis sed plerumque etiam nocturno tempore terrificis insomniis admodum inquietant, imo nonnunquam plane in actualem mentis aberrationem melancholicam degenerant, ita ut tales scemellæ illa suppliciorum, incarcerationis, insidiarum pericula ipsis antea per somnium præfigurata & magis saltem analogico seu typico conceptu juxta præsentem internam corporis

con-

constitutionem efformata, nunc ex firmiore impressione revera sibi extrinsecus imminere & ab aliis ipsis intentari perversa phantasia existiment eaque de causa aliorum colloquia & consortia intense effugiant ac aversentur solatium quasi quoddam suarum calamitatum in solitudine & libera cogitationibus indulgendi facultate reponentes cum insigni sui status, si ipsis concedatur, confirmatione ac deterioratione. Quam graves autem & fontici existunt commemorati isti affectus cum mensibus laboriosius parturientibus in melancholici temperamenti virginibus exsurgentes, longe tamen acerbiores & numerosiores observantur, si commixtio cholericæ concurrat, quæ non solum motus eminentius incitare & rigorosius urgere sed etiam citius eosdem cum humoribus in alia loca remota transferre solet, ut inde & in capite vehementiores dolores, in pectore majores oppletiones & angustia quam in hypochondriis spasticæ contentiones sensibiliores maturius complicentur & pervicacius continuentur cum eximio plerumque præjudicio legitimorum motuum menstrualium, quibus hoc ipso eo certius anomaliarum augmentum & majus impedimentum affertur. Tot itaque actantarum afflictionum genetrices non solum possunt sed sæpe etiam solent existere melancholici habitus juvenculis menses diutius tergiversantes, antequam ulla illorum evacuatio aut ipsius fluxus emicatio comparet, qui si demum consequitur & libere ac ordinate progreditur efficacissimum utique remedium in præcedentibus pathematibus mitigandis & aboliendis deprehenditur. Verum cum rarissime optabili tali expedita ratione hujusmodi excretio diutius agitata & laboriosius extrusa contingat, accidit pariter sæpius, ut in tali statu salutaris ejus effectus vel nullus aut exiguus insequatur vel ad minimum diu remoretur aut plane in antecedentium turbarum confirmationem & augmentationem invertatur. Quid, quod non rarum est, ut

C

com-

commemoratorum malorum cohors demum cum ipso anomalo uterino fluxu primo invehatur & pari ejusdem successu in prædictos periculosos effectus progressu temporis devolvatur, citra quam quod illius eruptionem ita eminentes alterationes in corpore præcesserint. Interim in hoc temperamento, uti in aliis eo deterius præsagium præbent molimina ejusmodi menstrualia evacuationem multum anticipantia, si hujus supervenientis parciore successu ipsis minus satisfiat, dum tunc eo certius & citius exardescere ac in majorem irregularitatem & contumaciam transire solent, quo non modo sub fiente fluxu sed etiam post eundem eminentiores turbæ ingruant ac ingraveſcant potissimum in abdomine sævientes, ubi accrescentem humorum coacervationem & difficiliorem progressum obstantes elisorii & discussorii motus communiter subinde laboriosius prosequuntur etiam menstruæ periodi intercalari tempore non prorsus conquiescentes sed itidem per vices sæpe acriter insultantes, sub quibus præter illos spasmodicos dolores in abdomine vagos speciatim gravativum sensum regioni hypogastricæ incumbentem in primis præsentis constitutionis sæmellæ experiri solent. Et in horum non minus quam supra indicatorum pathematum comitatu sæpe per plures periodos excretio mensium irregularis & insufficiens progreditur, qualis si vel nullus vel minus constans insequatur, crucem communiter majorem non minus figere quam periculum gravius comminari solent postero tempore afflictiones sub hypochondriis invalescentes, ut nimirum copiosius ibidem coacervati humores potissimum per hepar difficilius progredientes & magis versus lienem & ventriculum connitentes longe molestius hæc viscera aggravent, turbas circa ista & per reliquum V. P. systema eminentiores provocent infarctus facilius constituent, anxias præcordiorum inflationes frequentius inducant & ita motus eo magis ab utero avocent, quo
ille

ille sub ejusmodi ataxiis in officio & negotio debitæ excretionis sanguineæ insigniter langueat, eo inordinatius procedat vel plane deficiat, quæ omnia, quo diutius sibi relinquuntur, eo efficacius ad perniciosos effectus hypochondriaco-hystericos, scirrhosos, imo plane hæcticos accelerandos cooperari solent. Sufficiant hæc de Temperamento Melancholico.

§. IX.

Transitum nunc facio ad *Sanguineum*, quod, licet juxta solennem suam majorem activitatem negotium uterinæ evacuationis præ prioribus ordinarie maturius moliri incipiat & frequentius faciliori opera obtinere soleat, varios tamen pariter respectus fovet liberæ tali perruptioni interceptendæ aptos, quorum alii magis materiam, alii strictius motum concernunt, ubi quoad prius luxurians humorum proventus spissitudini contrahendæ accommodatior nec non minor vasorum capacitas, quoad posterius vero pertinacior anotericarum evacuationum adfuetudo & reliqua ipsius indoles animi in rebus quantillum operosæ expeditionis & dubii successus facilius fluctuantis & despondentis præ cæteris in considerationem veniunt, cum iisdem non solum præcipuarum causarum internarum, quæ propius in hoc temperamento ad anomalicum mensium ortum & successum contribuere solent, sed etiam ipsorum pathematum ex talibus ataxiis provenientium fundamentum maxima ex parte innitatur. Interim quod vitia motuum averforia in hoc negotio attinet, sunt illa duplicis generis, alia a priori talia ubi nuda habitualis aliarum hæmorrhagiarum promptitudo & continuatio subest & nulla ab usitata excretorii regione declinatio apparet, alia magis a posteriori seu consecutive, ad quæ paulo evidentius causæ materiales disponunt ut quidem molimina uterina eminus in abdomine tententur sed ob minorem viarum & humorum aptitudinem promptam eluctationem eludentem facilius alior-

sum dirigantur. Intercedit vero inter utramque talem congestionem adhuc illa differentia, quod illa, quæ quasi noviter introducitur, plerumque pluribus difficultatibus & turbis tam in abdomine quam capite stipata esse soleat, cum contrario ea quæ saltem in firmiore inhæsiōe & tenaci prosecutione præcedentium ventilationum spontanearum fundatur, sin alias tales paulo expeditius succedant, citra ullum strepitum & alieni effectus indicium sæpe diu persistat. Prout autem tota horum congestorio-ëvacuatoriorum motuum salubritas, quam in præsentī afferunt, inprimis posita est in liberi successus facilitate & facultate, ita eandem offensam vel quadantenus interceptam eo peiores effectus sæpius excipere solent inprimis caput tanquam solennissimum juniori ætati hæmorrhagicum locum male mulctantes, quo in illo acerbi dolores æstuentes, pulsatiles lancinantes inflativi, tensivi & alius generis oboriantur & facilius alii affectus particulares e.g. ophthalmici, otalgici, odontalgici & glandularum infarctus aut inflammationes complicentur vel sub majore moliminum pervicacia plane per aliena loca incongruæ sanguinis eruptiones insequantur, uti ejusmodi hæmorrhagiam per foraminulum juxta nares ex simili causa in virgine factam exhibet historia illius casus, quem *Celeb. Stahlius in Disp. de motibus sanguinis a crasi & viis non pendentibus* recensuit & passim ab aliis auctoribus (quales varii indicantur a *Franckenau in Satyra 15. §. 59.*) parallelæ observationes commemorantur. Præterea in genere tales evacuationum & moliminum anoteriæ diversiones familiarius id incommodi & damni post se trahere solent, ut si qua etiam interdum aliqualis motuum descensio in abdominalem regionem contingat & contentio quantillum major ad uterum recludendum appareat, illa tamen minus firmiter insistant sed facilius iterum ad pristinas antea consuetas regiones nisi planarie tamen magna ex parte revertatur, quo ipso quidem generalia

alia symptomata mensibus difficilioribus solennia e.g. spastica commotiones in abdomine, pares tractiones in lumbis & per spinam dorsi, anxietates præcordiales, cardiæ, cephalalgia &c. sæpius induci solent sed plerumque cum admodum segni perruptionis effectu, ita, ut non nunquam observetur, quomodo ejusmodi incompletæ moliminum menstrualium fluctuationes cum supernis congestionibus colludentes non saltem per menstrua sed plane annua spatia continuant, antequam illum paulo intensius urgeant vel obtineant. Imo multoties tales tergiversantes menstruales motus sub diuturna eluctationis frustratione adeo perturbantur, ut non tam amplius unam vel alteram tantummodo partem occupent & affligant, quam magis universalem cladem per totum corpus omnesque ejusdem regiones exerceant sub schemate admodum variabili motuum huc illuc desultantium, qui quasi catervatim varii generis afflictiones excitant & præcedentes aut præsentis plerumque sensibilibus exasperant, quo inde in interioribus partibus præter dolorificas illas compressorias, constrictorias, introrsum retractorias passiones circa umbilicum, torminosæ viscerum volutationes & molestas inflationes, nunc quoque nauseabundæ ventriculi commotiones, anxie ructuum elisiones, singultuosæ diaphragmatis concussiones extremæ pectoris anxietates periculosa respirationis sufflaminationes, capitis suspectæ vertiginosæ perturbationes vel intensiores exæstuationes aut alius sensationis afflictiones urgeant ac insistant, in exterioribus vero membris nimirum artubus eorumque potissimum extremitatibus Spastica stricturæ (sæpe in contracturas vel paralyfes excurrentes) vexas ac cruciatus inferant, imo demum in ipsa peripheria corporis superficiali variæ toni alterationes & cum ipsis conjunctæ alternationes horripilationum ac phlogosæ occurrant. Quæ quidem pathemata omnia jam enarrata partim conjunctim & συγχρόνως con-

surgere ac sævire solent, partim inter se reciprocare plerumque vero sub menstruis recursibus majorem vehementiam declarare. Quin vero interdum potissimum in hac constitutione accidit, ut ejusmodi contentiosa molimina diu frustra adhibita eo usque intendantur, ut plane in convulsiones erumpant variæque earum species afflicta talium subjectorum corpora miserandum & mirandum in modum contorqueant, quales casus vid. in ante citata *Stabliana Disputatione de motibus sanguinis a crasi & viis non pendentibus* §. 6. nec non in *D. D. Præsidis Jurisprudencia medica Part. II. Casu 48. pag. 494. seqq. & in ejusdem Disp. de anormalis mensium convulsivis pag. 21. & 33.* in qua posteriore potissimum hæc materia specialius discussa & pluribus utilibus non minus quam curiosis considerationibus adornata extat. Observationis vero magis rarioris est, quod virgines sub ejusmodi menstrualibus turbis aut ex iisdem majorem ad venerem stimulum experiantur seu plane in insaniam amatoriam prolabantur, (licet tale exemplum de puella 15. annorum ex eadem causa furorem uterinum incurrente recensetur in *Bartholini Act. Hassn. ao. 71. & 72. obs. 80.*) cum potius in plurimis ita affectis plane contraria, ab omni voluptate & hilaritate alienior animi indoles animadvertatur. Cæterum prædictæ morbidæ jectigationes si in alio sane in hoc temperamento subitanæ mutationem inducunt, ut non solum vires cito collabescere, sed etiam chlorotica illa faciei decoloratio mature invalescere & totus reliquus prægressæ vitalitatis ac vivacitatis status brevi eminenter immutari soleat.

§. X.

Tantum de statu morbofo mensium anormalicorum eruptionem primordiale præcurrente, nunc quoque de illo hanc factam sub ipso fluxu initiali concomitante (antequam ad subsequens contemplationem progredior) non nulla interferere placet, quam quidem considerationem potissi-

potissimum ideo huic temperamento reservavi, cum illud conspectum & complexum pathematum, quæ tali tempore oboriri, & vix aliam quam gradualem differentiam in diversæ constitutionis subiectis habere solent inter reliqua luculenter & frequenter exhibeat. Sunt vero illa maxima ex parte plane cum præcedentibus eadem plerumque tamen illis quoad vehementiam acerbiora. Eminent interrim præ cæteris impetuosiores illi insultus spastici in abdomine speciatim uterum noviter vulneratum graviter ferientes & per reliquam regionem hypogastricam admodum sensibiles cruciatus strictorios, tensivos, pungentes inferentes, quales rigorosi motus excussorii sub impeditiore evacuationis successu facilius ad superiora loca per vices desultare eaque acerbe exagitare solent, ut inde intensissimæ cardialgiæ & pectorales angustię vel acutissimi capitis dolores corripiant, quibus plerumque accedunt vel intercurrunt frequentes periphericæ restrictionis variationes & magnæ inæqualitates, ut modo pallor & frigus, modo rubor ac æstus sese in superficie corporis manifestent. Præterea sub præsentī fluxus difficilioris statu & termino animus juvenularum non tam impatientior, sed longe etiam impotentior seu imbecillor ordinarie observatur, ita, ut respectu prioris semper quasi tacitam indignationem foveant & majorem aversionem in omnibus suis actionibus & gestibus declarent ac levissimam offensionem sensibilius tam in vitalibus quam moralibus arripiant, intuitu vero posterioris citius & facilius deficient atque ad lipothymicas motuum desertiones proniorem indolem exhibeant. In primis vero intra hujus, de qua nunc loquor, periodi spatium singularis ventriculi sensibilitas & prolixitas ad conatus vomibundos præsto esse solet, quæ levi diætæ excessu & errore facile in effectum deducitur & gravissimis cardialgiis excitandis ac motibus menstrualibus divertendis frequentius pessimam occasionem suppeditat. Quod ipsum deni-

denique fluxum attinet, jam in superiorum temperamen-
torum disquisitione generatim monitum est, illum sub ejus-
modi motuum ataxiis solenniter tam quoad typum, quam
quoad excretorum humorum quantitatem & qualitatem
ab ordine & statu naturali declinare, id quod ut paulo cla-
rius exprimam, sic sese habet, quod evacuatio talis (spe-
ciali sensu sumpta) neque in particularibus suis successibus
neque in toto durationis complexu ac processu parum vel
plane nihil constantis & æqualis ostendere, sed perquam
abrupte & interrupte procedere soleat, ita, ut effluxio san-
guinis modo repetitis quidem vicibus emicet, sed post le-
vem & brevem exstillationem factam illico iterum dispa-
reat, modo per unum vel alterum diem tantummodo con-
tinuet, vel plane interdum per integros dies interca-
pedines & postea inopinatos recursus faciat, singulis ve-
ro istis respectibus familiariter evidentem defectum in-
volvatur & conjunctum habeat, quo sanguis non modo par-
cior, sed etiam ipsa qualitate alteratus spissior, grumo-
sus, nigricans aut nonnunquam aquosior & discolor ex-
cernatur.

§. XI.

Sin itaque commemorata ratione negotium menstru-
um jam in prima sua molitione ac inchoatione tantas tur-
bas cieat, eo certius & solennius evenit, ut illas quoque
postero tempore in continuatione foveat atque ostendat,
idque tanto citius & eminentius, quanto segnior ac par-
cior fuit evacuationis successus, in qua circumstantia non
solum continuus langvor remanere, torminosæ vexæ & al-
vi irregularitates persistere, sed etiam ipse fluxus tam in re-
cursu quam reliquo suo successu varias & sæpe diuturnas
anomalias sibi conjunctas plerumque habere affolet, quo
nimirum menstruum periodum vel anticipet, vel transcen-
dat, aut (quod tamen rarius ita cito contingit) plane præ-
termittat & de reliquo sub fientis evacuationis termino
vitia

vitia præcedente paragrapho exposita facile asservet. In quibus autem uterus in dimittendis humoribus quantillum facilius existit, tranquillior quidem statum vulgo experiuntur raro tamen ita in tantum pacatum, quin ad minimum circa consequentes menstruas periodos quædam prægressarum turbarum palindromen sistant & terminum excretionis anomalizantis non modo præsentem sed sæpius etiam instantem & proxime insequentem aliquandiu culposum ac morbosum constituent. Quæ quidem considerationes non unice hoc temperamentum sed etiam reliqua concernunt, inprimis vero in illo eo diligentius animadverti debent, quo frequentius in eodem occurrunt & quo majora damna ex illarum neglectu non tam solum possunt, quam etiam sæpius solent oboriri. Interim ut paulo pressius & specialius contemplationi nostræ constitutionis inhæream, venit utique illico, dum adhuc ea circa explicandum statum mensium noviter obortorum, propiorum versatur annotanda illa circumstantia parcioris vel imminutioris evacuationis, quæ sane juveniculis eminenter sanguineis familiarissima est & in eo consistit, quod multæ earum corpus exquisitè vegetum ad periodum initialem mensium adferant, eosdem solennissimo termino sine ullis effatu dignis incommodis præcurrentibus imo etiam non ita eminentibus difficultatibus concurrentibus, præterea quoad recursum satis ordinatos experiantur, insimul interjecto fluxus tempore licet non semper ad stateram pristinæ sanitatis, attamen etiam non adeo male sese habeant & in tali tolerabiliore statu per unum & alterum mensem imo interdum diutius de ulteriori periculo securæ degant, donec demum morbosa illa menstrualia phænomena paragrapho X. delineata paulo evidentius & successu temporis, si ægrotantes patientius vel negligentius ac quiescant, ominosa incrementa capiant. Quemadmodum autem illa pariter anotericarum congestionum vitio inni-

D

tuntur

tuntur; ita inprimis eo majori non tam admiratione, quam animadversione dignum illud est, quod sub ejusmodi motuum diversionibus & distractione nihilominus uterus (ni causa aliena eminentior intercedat) satis regulari periodo licet non æque sufficiente quantitate sæpius lunare tributum expendat, quo multæ foeminæ decipiuntur, ut in ejusmodi virginalibus affectibus uterum plane innocentem declarent ideoque sæpe coram medico vitium menstruæ purgationis accusante vel suspicante ejusdem quasi causam solennibus illis formulis agere soleant: *Es hätte hierinnen keine Noth, wäre in diesem Stück kein Fehler vorhanden müsse an einer andern Ursach gelegen seyn*, cum tamen revera multoties, si excretorum humorum quantitas juxta reliquum corporalem habitum exactius æstimetur, defectus eximius subsit & in eo primaria ac unica causa omnis mali radiceatur. Quo circa istam subdolan mensium parciorum indolem hac occasione eo attentiori considerationi merito commendo, quo frequentius illa in horum non solum initio sed etiam reliquo stadio occurrere & quo minus a pluribus etiam hodiernum animadverti solet. Præterea vero utique etiam post factam perruptionem valet de ejusmodi heteroclitis motibus superiora loca occupantibus quod supra de eorum pertinaci indole, quam interdum ante illam ostendunt, monitum fuit, dum non rarum est, quod illi per integros annos eosque nonnunquam plures continuent hac tamen differentia, ut in aliis magis saltem caput detinere, in aliis vero citius ad pectoralem regionem declinare soleant, ubi circa priores nimirum cephalicas congestiones illud memorabile est, quod illæ sub diuturna continuatione & contentione plerumque non uniformem typum asservent sed sæpe illum multifariam immutatum exhibeant, solennissime quidem talem in modum, ut vim antea magis per integrum caput diffusam subinde saltem in certas ejusdem regiones & partes e. g. dimidum
caput

caput, nucham, verticem vel etiam maxillas restringant easque eo sensibilius afficiant, imo interdum ab uno loco in alterum transmigrent & sic diverso tempore diversi com-
matis & nominis affectus efforment, qualium metatche-
matum varias species in uno subiecto nimirum in virgine
sanguineo phlegmatici temperamenti mihi ipsimet obser-
vare licuit, in qua talia molimina ab inauspicato mensium
initiantium tempore per sexennium in capite persistebant
& sequentem scenam & pathematum faciem subinde indu-
cebant, ut primis mensibus nuda sanguinea cephalalgia af-
fligeret posthac in cephalæam transiens, hanc post seme-
strem circiter circuitum quadriennis hemicrania non tam
in exquisito menstruum quam solstitialem recursum obser-
vans exciperet, in istius locum deformis capitis inprimis
faciei inflatio pari tempore succederet & hujus demum sta-
tionem & periodum immanis odontalgia occuparet. Ex
quo unico specimine facile tam ratio & fundamentum alio-
rum congenerum larvatorum effectuum seu affectuum, quos
anomali ejusmodi motus in capite producere solent, in-
telligi, quam veritas illius, quod de contumacia talium con-
gestionum & fluxus sub illis continuantis fallacia superius
monui, æque satis diluendo inclarescere poterit. Hinc etiam
nolo plures observationes parallelas, licet suppetant, hic loci
allegare sed lubet potius nunc aliud phænomenon & mo-
mentum annotare, quod sæpius in talibus anotericis conge-
storiis motibus occurrit & perinde, si recte attendatur & ap-
plicetur, non infimæ utilitatis in praxi existit. Consistit ve-
ro hoc in peculiari illa Syzygia, quam prædicti motus su-
perni & uterina molimina non solum in synchrono recur-
su (præsertim ab initio) sed etiam sæpe in mutuo concursu
exhibere & sequenti ratione manifestare solent, ut sese
interdum quasi aliquatenus jungant ac adunata vi mo-
do versus caput modo in loca inferiora utero proximiora
convolent & ita cladem alternam in utraque regione mu-

tuis vicibus exerçant, qualium reciprecationum jam aliquot exempla mihi ipsi innotuere, quorum recentissimum exhibuit junior fœmina sanguineo-cholerico temperamento addicta, quæ ex diuturnis mensium imminutorum ataxiis sæpius vehemente capitis dolore laborabat demum in parotidis sinistræ inflammationem excurrente, quæ posterior cum spasticis illis motibus circa mensium terminum per femur ejusdem lateris contentiosis tam exacte colludebat, ut horum exacerbationem illius mitigatio imo sensibilis detumescencia remissionem vero ejusdem dolorifica augmentatio quasi e momento exciperet, sat evidenti testimonio, non esse a veritate alienum, quod *Illustris Stablius in Disp. de mensium insolitis viis* de talibus motuum uterinorum aberrationibus ad superiora loca eorumque inconstante typo scribit: quod natura licet viam (nimirum ad uterum propius spectantem) non ipso effectu penitus & absolute mutet, inter utramque tamen (scilicet uterinam & supernam cephalicam) ita anceps fluctuet ut neutri satisfaciatur eamque penitus in effectum deducat atque exequatur. In quibus autem tales humorum translationes magis ad pectus contingunt, fonticarum & in illo alterationum effectrices existere solent, quo inprimis difficultas anhelosæ respirationis ocyus oboriatur, cordis palpitatio & angustia pectoralis eximie intendatur, ac rauco & tussis nonnunquam complicantur, quæ quidem pathemata pro majore vel minore menstruæ evacuationis successu gravius, vel mitius urgere, familiariter tamen sub solenni menstrua perodo majorem acerbitate exhibere solent. Cæterum uti generatim hic locus præ priori ad actualement excretionem inusitator & alienior existit; ita molimina talia ad illum directæ eo majus periculum portendunt, quo diutius vel vehementius ibidem insistent, dum in tali casu non æque rarum est, quod contumaces ejusmodi contentiones vel habitualement asthmaticum vel plane hecticum aut

aut phthificum statum machinentur. Quamvis vero prædictæ duæ regiones nimirum caput & pectus in juniore ætate adolescente & juvenili solennissima motuum hæmagogicorum & hæmorrhagicorum diverticula existant, minus tamen ideo plenarie alia loca & viscera ab iisdem immunia sub tali tempore observantur, sed contingit utique, ut illi itidem etiam alia loca impetant, inter quæ potissimum ventriculus nominandus est, circa quem subinde molimina talia ab utero retrograda machinari quidem & jam supra indicatas afflictiones torsionum cardialgico-vomitotiarum sæpe excitare rarius vero intra prædictam periodum, nisi forsitan quandoque ex causæ eminentioris accidentali concursu, agere ad effectum hæmato-emeticum pertinere solent, qui si qua semel insequatur, plerumq; eo nomine tanto ominosior & exitiosior est, quod facile in posterum continuet, consuetudinalis evadat, ægrius firmiorem curationem admittat, promptius eadem etiam facta levi de causa recurrat & singulis his modis eximium præjudicium utero afferat, quale exemplum perquam notabile vomitus cruenti ultra annum menstruatim recurrentis in virgine juniore *Celeb. Stablius in Diss. de motu tonico vitali & in Pathologia sua pag. 736 & 737. commemorat.* Cæterum iterato affirmo, actua-lem ejusmodi sanguineam excussionem uti in genere ita speciatim intra commemoratum ætatis terminum esse infrequentiorem aliis hæmorrhagiis e pectore vel naribus procedentibus idque tam ex antiquarum & recentiorum observationum, quam quotidianæ experientiæ concordi testimonio, utpote quæ singulæ comprobant, tales congestiones & contentiones longe sæpius in nudis stagnationibus & moliminibus subsistere imo adhuc facilius (quamvis & id non æque crebro eveniat) in convulsivas commotiones quam veras tales sanguinis elisiones erumpere. Perinde etiam magis rarioribus observationibus accenseri mere-

tur, quod non nulli auctores de scabie & sudore sanguineo ex mensium retentione ortis proferunt, dum in tali defectu uterinæ evacuationis multo solennius est, ut immunitio exundantium humorum per particularia loca potissimum hætenus indicata quærat^r quam ita diffuso modo & motu peragatur.

§. XII.

Præmissa sic triga temperamentorum restat adhuc quartum nimirum *Cholericum*, cujus quantacunque aptitudo tam a priori juxta corporalem dispositionem (ob humores fluxiles, motum fortio^rem & vias patentiores) & a posteriori promptitudo ad hæmorrhagias instituendas apparet, dispar tamen habilitas multoties ipso effectu in earum instructione & moderatione animadvertitur, quo minus illæ ita libere & legitime, quam deberent, succedant sed pariter anomalico suo decursu insignes turbas & repentin^{as} noxas afferant, idque non tam principaliter ex corporalis habitus vitio, quam magis animi vehementioris præcipitis, impatientis, iracundi & motuum immorigeræ tali indoli conformiter instructorum culpa. Declarat vero potissimum culposum talem geni^{um} frequenter & nocenter circa menstruum negotium, cui adeo infensum sæpius deprehenditur, ut in genere illud sexui sequiori hoc nomine magis ominosum conseatur quam virili, cum, ubi semel inolescere incipit in illo, quasi commune reliquorum temperamentorum flabellum & flagellum existat. Interim hoc temperamentum, quod jam perlustrare inchoavi, maximam convenientiam tam quoad motuum congestiorum indolem, quam quoad humorum constitutionem generaliter fovet cum præcedente, licet utriusque intuitu cholericum specialius consideratum & fluidorum tenuiore consistentia & impulsus majore ac constantiore vigore & rigore quosdam differentes respectus involvat. Quare,

ne

ne præsentem tractationem in superfluam & odiosam prolixitatem diffundam, non æque placet, singulos illos affectus, quos juxta prædictam motuum translatoriorum & humorum analogiam substrata nostra constitutio cum præcedente communes habet, denuo recensere, sed tantummodo peculiare quasdam circumstantias, quibus in menstrualibus motibus & morbis ab hac posteriori quadante-nus diversa deprehenditur, indicare: Ita *primo* mox illa animadversio occurrit, quod nostro temperamento adhuc minus quam sanguineo solenne sit, ut diuturnas morbidas anomalias ante primam menstrui fluxus eluctationem exhibeat, nisi forsitan ad illarum tribum referendæ videantur vel illis accenseri mereantur narium hæmorrhagiæ largiores in quibusdam sub appropinquante mensium initiantium seu instantium termino admodum insolescentes de quibus passim apud auctores observationes, prostant & mihi ipsi notabile exemplum constat ex personæ, cui obtigit more propriis auribus exceptum, quæ de se ipsa coram medico, me præ-sente, asseverabat, ipsi circa commemoratam periodum perquam copiosas sanguinis evacuationes e naribus accidisse & quidem ultima vice adeo enormes, ut sanguinis uno die successive evacuati quantitas tres mensuras hic loci usitatas tantum non ex asse adimpleret, has vero profusiones, adjiciebat prædicta persona, (quæ junior scēmina erat temperamenti cholero-sanguinei) illico emanasse, cum medicus pharmaca adhibere & sanguis per uterum sese ventilare inciperet. *Secundo* sub ipsius fluxus ortu & successu irregulari parilis quidem motuum ferocia imo adhuc major in cholero temperamento quam in sanguineo, longe autem minor quam in hoc proclivitas ad lipothymicas defectiones deprehenditur, nisi forte quandoque ex largioribus sanguinis profusionibus id contingat, quæ vero sub initium menstruæ eruptionis longe rariores ad minimum ex utero quam parciores evacuationes vulgo annotantur.

licet

licet tertio non negandum sit, quod utique nostrum temperamentum, de quo in hoc paragrapho loquor, non saltem præ sanguineo sed etiam præcæteris sub reliquo mensium studio & tempore ad excessus hæmorrhagicos non modo ex utero sed etiam ex aliis solennioribus excretoriis locis (è capite, pulmonibus, ventriculo) committendos majorem & inclinationem & dispositionem foveat, uti quoque quarto generaliter id de temperamento isto monendum, quod sub eluctationis aut evacuationis denegatione vicinitatem illius loci, ex quo illa urgebatur, eo acerbius & citius plectere & præsertim ad affectus illos rigorosos (quos jam in sanguineo recensui) arthriticos, inflammatorios, spastico-convulsivos, hypochondriaco-hystericos accelerandos & exasperandos plus quam ullum aliud conferre soleat.

§. XIII.

Ne vero quicquam, quod ad præcedentes spectat, sciens prætermittam, placet, antequam iisdem colophonem imponam, adhuc circa decantatum & jam ab Hippocrate annotatum consensum uteri cum mammis breviter mone-re, quod ille quidem minime plenarie experientiæ suffragio destituatur, longe tamen infrequentius sese in virginibus pubertatis terminum non ita pridem ingressis (nisi quod sub sororiatione mammarum non nullæ earum spasticas & strictorias sensationes vacillante mensium negotio in iisdem quandoque experiantur) quam in maritatis & lactantibus scæminis declaret. Admodum enim raro exempla illa, quod virgines ex talibus mensium vitiis inflammatorios, nodosos aut canerosos affectus retulerint, occurrunt.

§. XIV.

Absoluta hac ratione prima parte nostræ tractationis, transcendendum quidem nunc esset juxta tripartitum ejusdem ordinem ad secundam, nimirum ad errorum, qui

in talibus morbidis affectibus tam circa ipsum menstruum negotium, quam etiam pathemata ex eodem provenientia in praxi committi solent indagatorem & indicationem. Verum, cum ad hujus negotii faciliorem evolutionem & perceptionem multum conferat notitia causarum, quæ proximius & eminentius tam ad difficilem mensium eluctationem quam ad morbos ex eodem provenientes contribuant, placet paucillum divertere & hanc doctrinam brevibus prælibare. Quod itaque prius nimirum difficultatem initialis menstruæ perruptionis & eruptionis attinet, accuso & allego tanquam principalem & communem quasi causam arctiorem vasorum uterinorum, per quæ sanguis menstruus meare & exire debet, capacitatem in virgunculis junioribus ordinarie multo arctiorem quam in adultioribus & jam puerperia perpeffis, hujus vero arctitudinis intuitu facile dijudicatu est, pro parallelis eminentibus causis haberi posse & debere spissiores humorum consistentiam ejusdemque nimiam quantitatem nec non motus nimium & impulsu & languorem, cum singuli isti respectus minus indicatæ proportioni tubulorum & liberæ humorum circulationi & expressioni per eosdem perpetrandæ quadrent. Qualem quidem rationem a me indicatam num jam Hippocrates cognitam habuerit & notorio illo eloquio: *quod ei, quæ non peperit, cum corpus non assuetum habeat, menses laboriose prodeant & affectus plures accendant*, indigitare voluerit aut potius debuerit, aliorum dijudicationi relinquo. Interim, dum una ex parte causam primariam mensium laboriosius erumpentium & anomalice procedentium in corporali dispositione colloco, neutiquam ex altera nego, quod etiam originale vitium multoties in ipsis motibus eorumque perversa instructione latitare possit. Quod vero posterius concernit, nimirum morbos illos effectus, qui ex fontis hujus naturalis illegitima constitutione promanare solent, fundamentum illorum propius ponendum esse censeo

seo in humorum exundantium copia nudos vel infarctus & restagnationes vel infimul spasmodicas motuum exacerbationes aut congestiones sanguinis in remotiora loca excitante & sic pro differentia partium & regionum, in quas decumbit vel restringitur, nec non pro vario motuum gradu, quo ibidem agitatur diversi nominis & sensationis multiplicis pathematibus occasionem subministrante.

§. XV.

His itaque recte intellectis non potest non dilucescere, quam graviter illi circa instructionem menstrui negotii impingant, qui ad fluxum uterinum provocandum & promovendum illico citra ullam præmissam corporis præparationem pellentia & sanguinem vehementer exagitantia aut etiam aperientia nude hypothetice & saltem secundum certas circumstantias talia, magis adstrictorio effectu operantia (qualia sunt martialia) juvenculis propinant, & sic per vias nondum patulas exitum moliantur, cum experientia frequentius testetur, tali perversa methodo plane contrarios effectus majorum obstipationum, restagnationum, infarctuum & angustationum aut periculosiorem motuum exacerbationem vel incongruas per aliena loca eruptiones sanguineas provocari. Præterea etiam non quidem æque ex præmissis, quam ex eo, quod plethora indubitato præcipua materialis causa uterinæ purgationis existat, clarus fit error illorum, qui contra ordinem & citra ullum conamen naturæ in defectu sanguinis & virium (qualis e. g. ex prægressis morbis, diuturna inedia, largioribus hæmorrhagiis contrahi potest) evacuationem menstruam urgent & ita sanguinis, cujus potius restorationi intenti esse debuissent, depauperatione ulteriori corpus eo magis enervant & non raro penitus in affectus atrophicos, hecticos vel oedematosos conjiciunt. Sunt autem hi saltem solennissimi modi & methodi, quibus propius & qua-

si directe in negotium menstruum præsertim noviter instaurandum delinqui solet, sed longe plures parilis notæ occurrunt practicæ hallucinationes, quæ in illius præjudicium & damnum per incongruas medicationes menstrualium morborum paulo remotius & magis indirecte vulgo committuntur, quarum aliquot commemorandi occasionem habeo in mox subjungenda explicatione errorum præcipuorum, qui ob insufficientem menstrui negotii cognitionem & negligentiores ejusdem collationem in affectibus ex tali fonte promanantibus frequentius perpetrantur. Quam quidem considerationem modo indicatam, dum jam suscipere intendo, prævie benevolum lectorem recordationis admoneo circa illud, quod sub fine præcedentis paragraphi de istorum morborum materiali & formali causa dictum est, cum exinde satis clare, uti arbitror, nexus pathologicus ac respectus generales veriores practici in commemoratis affectibus innotescere & per consequens etiam aliorum ab illis aberrationes facile cognosci & dijudicari possit. Sed enim juxta cynosuram fundamenti illius a me constituti nemini non hoc tantillum recte percipienti manifestus fieri potest & debet error.

Primo eorum, qui varios affectus & dolores capitis unice ab ejusmodi menstrualibus congestionibus dependentes nudis vel externis sopientibus, refrigerantibus, spirituosus &c. vel internis cephalicis specificis remediis curare & expugnare suscipiunt, cum & ratio dictitet & constans experientia confirmet, hæc omnia ita esse comparata, quo non tam ipsi causæ auferendæ vel emendandæ satisfaciant, quam magis saltem illius effectibus, seu, si mavis, motibus eam insequentibus quadantenus cohibendis, suppressendis, alterandis vel in vicina loca divertendis, in genere vero plerumque plus pervertendis & deteriorandis subserviant.

Secundo eorum, qui in pectoralibus afflictionibus respirationem vitiantibus & tussiculosis parem cum præcedentibus pathematibus originem & causam habentibus bechica vel expectorantia remedia præscribunt, dum iterum tam ex rationis rectæ quam observationis fedulæ amicabili suffragio constat, talem curationem horum affectuum fundamento & emendationi adeo non esse accommodatam, ut potius plane contraria ratione iisdem non tantum sustentandis, sed etiam perniciosis illis effectibus asthmaticis & hecticis inducendis, quos tales medici præcavere deberent, imo etiam tempestiva congrua medicatione possent, existat aptissima.

Tertio illorum, qui in cardialgico-vomibundis ventriculi commotionibus, contentionibus ejusmodi hæmagogicis insistentibus vulgaria stomachica calida, acria seu quæcunque alia hujus census remedia aut plane emetica adhibent, nec non qui in torminosis reliqui abdominis doloribus simili ex causa provenientibus acria purgantia vel topica suadent, cum itidem singula ista minus causæ peccantis expugnationi aut motibus meliorandis quam potius his exacerbandis vel supprimendis utralibet vero ratione longe pejoribus effectibus excitandis quadrent.

Quarto illorum, qui in particularibus ejusmodi affectibus congestorio-restagnatoriis vel restagnatorio-congestoriis menstrualibus magis ignobiliores corporis partes & periphericas occupantibus inflammatoriis, œdematosis, seu sub alio quocunque schemate apparentibus mere externa applicant, nec simul ad internæ primariæ causæ emendationem respiciunt. Operantur enim incassum, imo sæpius etiam in detrimentum patientis, ut superficialibus suis adminiculis vel plane nullum aut saltem temporarium salutarem effectum obtineant, vel incongrua repulsione versus interiora damna periculosiora excitent. Nolo autem
plura

plura hujus generis sphalmata practica, quæ in similia menstrualium morborum curationibus occurrunt & ex leviori uterinæ purgationis æstimatione originem trahunt, recensere, licet adhuc tanta eorum copia supersit, ut facile illa sola integræ disputationi satis fecundam materiam suppeditare possent, sed placet tantummodo in supplementum & majorem hujus rei dilucidationem commendare *Diss. Illustris Stahlii de erroribus medicinae practicae & Excell. Hoffmanni de imprudenti medicatione multorum morborum causa.*

§. XVI.

Quemadmodum autem vulgo non tantæ artis habetur & revera minoris utilitatis existit nuda errorum indicatio & detectio, quam subjuncta eorum emendatio, ita juxta hanc considerationem nunc quasi manuducor & incitor ad tertiæ partis & quidem in præsentî negotio ultimæ susceptionem, in qua promisso modo circa talem methodum indicandam occupatus ero, qua tot mala ex talibus mensium recentium anomaliis metuenda facilius præcaveri, & jam præsentia feliciter, tutius & magis fundamentaliter curari ac ita multa damna vel naturæ vel incongruarum medicationum culpa inducta & augmentata tempestivo interventu meliorari possint. Respiciam vero unice in hac hodegia ad fontis & fundi, ex quo præcipue tot morborum cohors exurgit, nimirum ad negotii menstrui legitimam instructionem & medicam directionem, ommissa reliqua singularium affectuum ex eodem provenientium speciali therapia, cum huic tractationi condigne instituendæ angustia paginarum Dissertationi destinatarum vix ac ne vix quidem esset suffectura. Quo itaque saltem præfixi instituti rationem decenti ordine absolvam, erunt primo explicanda media & præsidia indicato fini facilioris mensium eruptionis & succellus obtinendo idonea, quæ partiri placet in duas classes, nimirum primo *in privativa,*

quæ consistunt in omissione & evitatione illarum rerum quæ ad illa vitia §. XIV. sub causarum nomine recensita vel inducenda vel augenda quicquam contribuere possunt, & passim ab auctoribus medicis (e. g. ab Ill. Stahl in *pathologia* pag. 1083. & seqq. ejusdem *Diss. de mensium muliebrium fluxu* st. n. & *suppressione* st. n. paragr. 26. 27. & 28. a B. Wedelio in *Diss. de mensium suppressione* a pag. 16-20. nec non a D. D. Funckero in *Tab. Theoretico-Præctis Tab. XV. de suppressione mensium*) specialius & nominetenus exponuntur, ad quarum censum largiorem & simul saturatiorem potum Coffee, ad cujus usum imo verius dixerim abusum pleræque honorationis conditionis virgunculæ ferme jam a teneris adducuntur in nostris regionibus, merito etiam referendum esse existimo, secundo *inpositiva*, quæ requirunt actua-lem congruam admissionem & applicationem oppositorum seu eorum, quæ convenienti adaptationi viarum uterinarum, humorum & motus, tanquam mediis ad menstruum negotium necessariis ullatenus velificantur, quo nomine non frustra ab expertis præctis præter potum dilutiorem sufficientem & motum corporis sedulum in sellis, pediluvia nec non subjunctum usum lenium laxantium vel ex mediis salibus vel ex mitioribus Gummatibus & refracta aloes dosi concinnatorum commendari, quisquam facile perspiciet, qui intelligit, hæc omnia modo indicatis requisitis videlicet partim humorum dilutioni & viarum relaxationi & apertioni, partim motuum ad uterina loca invitationi egregie obstetricari.

§. XVII.

Interim dum maxima hominum pars pro communi ferme sui generis securiore & negligentiore indole vix unquam citius, quam vel jam præsentē vel penitus invalescente sanitatis detrimento de medico & medicina cogitet & hanc incuriam potissimum etiam circa menstrui negotii instructionem frequentius obtestetur, necesse utique est, quo

quo artifex & in tali casu actu anomalizantium mensium seu ut loqui amant, *curatorie* salutarem opem præstare calleat. Quo quidem scopo etiam ante commemorata minus universim inutilia existunt sed saltem ob proportionem causarum eminentiorum imo etiam concurrentium pathematum diversam indolem non æque semper sufficientia vel indiscretim applicabilia, ut inde utriusque circumstantiæ respectu partim efficaciora & plura remedia partim major peritia circa eorum adhibitionem requirantur. Ubi vero mox annotari necessarium duco, me, dum de efficacioribus & pluribus remediis loquor, unice respectum habere præcedentium mediorum præservatoriorum, nec ita absolute crasso sensu fortia, præcocem & simul validum effectum exerentia pharmaca vel speciosam eorum multitudinem aut copiosum & frequentiore (præcipitatum) usum intelligere, dum satis superque mihi constat his singulis modis, uti in aliorum morborum curatione, ita speciatim in menstrui negotii potissimum vero recentioris medica directione effectum salutarem frequentius magis sufflaminari & in contrarium inverti, quam vere & legitime promoveri. Quin potius ipse commendo, ut ex tanta farragine remediorum, quæ in hac parte laudari solent, saltem mitiora probata, quam fieri possit, circumspicte seligantur & adhibeantur, cum *primo* eadem non saltem juxta rationis dictamen tutiora sed etiam secundum attentæ observationis testimonium revera ipso usu longe præstantiora existant aliis potentioribus, quæ nec teneritudini ætatis subjectorum, de quibus hic sermo est, nec ipsius menstrui negotii præsertim saltem inchoantis multo minus jam tum vacillantis sensibili indoli quadrant. *Secundo* cum damna recenti mensium statui & ordini per inconvenientem medicationem illata non ita transitoria & emendatu facilia sed plerumque satis refractaria esse & sonica fieri soleant.

Quando vero nunc in disquisitione & explicatione practica paulo specialius procedendum est, moneo statim circa mensium anomaliorum defectivorum emendationem, quod illorum quidem promotio primum in intentione medici, ultimum autem (sub intelligo quoad ipsum impulsus) in executione esse debeat, cui utique necesse est ut præmittantur, (si alias illius legitimus successus & salutarem finem non tam bonæ saltem fortunæ committere & sub dubia spe expectare quam magis efficaciter allevare & adjuvare velit,) remedia, quæ quicquam faciunt ad emendationem & remotionem illorum offendiculorum, quæ partim medicationi partim ipsorum mensium faciliori perruptioni ac emanationi præjudicium afferre possunt. Talia vero obstacula communiter constituunt 1) segnities vel obstructio alvi, 2) primarum viarum impuritatibus obsessarum mala constitutio, 3) sanguinis nimia quantitas, 4) ejusdem depravata qualitas, 5) viarum uterinarum & 6) motus reliqua vitia, quæ §. XIV. enumerari. Quod itaque parciorem catotericæ evacuationis successum attinet, ad illius promotionem apprimè conducit mollior & liquidior diæta, sub qua hoc nomine inprimis simplicia dilutiora juscula & decocta avenacea vel hordeacea cum exacinatedis passulis parata commendabilia existunt, si qua vero magis arrideat vel necessarium videatur in usum vocare pharmaceutica prædicto fini adaptata, commode exhiberi potest infusum calidum ex rhabbaro, passulis & cremore tartari compositum vel quod præstat, clyisma emolliens aliquoties applicari. Quibus efficaciter præmissis ad ulteriorem primarum viarum repurgationem pilulæ ex amaricantium herbarum extractis, Gummi ammoniaco & extr. panchym. Crollii confectæ admodum conducunt. Quando vero etiam quantitas sanguinis dijudicanda evenit, circumspeditione omnino & discretionem prudenti opus est, ut dispiciatur, num ille re-
vera

vera ipsa copia tam eminenter turgeat & urgeat, ut pro impedimento uterinæ reſerationis & eidem promovendæ neceſſariæ curationis juſte reputari poſſit, an vero nudæ ejusdem commotiones turgefactoriæ & translatoriæ peccent & ita verius motus magis vitium ſubſit? dum in poſteriori caſu ſecura temperantia & ſedativa (inter quæ inprimis pulveres nitroſo cinnabarini it: ex Caſcarilla parati, nec non decoctum flor. chamom. commendationem merentur) ſola ſufficere poſſunt, in priori vero actualis ſanguinis ventilatio magis neceſſaria videtur, circa quam quidem utique diligentior ac major, quam vulgo adhiberi ſolet, obſervatio ſequentium circumſtantiarum requiritur, 1) ne illa ita indiſcretim & præſtinate citra eminentiorem urgentem cauſam in junioribus ejusmodi puellis, potiffimum quibus vel plane nondum, vel non ita pridem menſes fluere inceperunt & adhuc ſub fluctuante motuum typo irregulariter procedunt, ſuſcipiatur, cum accuratior obſervatio omnino edoceat, non eſſe fruſtraneum, quod peritiores præctici de naturæ huic artificiali ſubſidio aſſueſcendi promptitudine annotarunt 2) ne ſola ſanguinis imminutio ejusdemque uſus juxta ſolennem multorum methodum eouſque extendatur, quaſi præparatorio ſcopo ita ſufficiens generatim exiſtat cui innoxie imo commodè pellentia mox ſubſtitui poſſent, ſed ut etiam viarum & humorum ratio habeatur & proſpiciatur, quo illis ſi defectus animadvertitur, antea permeabilitas his autem fluiditas ſufficiens concilietur, ubi circa *priorem* jam in præcedente §. indicavi, quod hoc nomine egregium uſum præſtent balnea & inſeſſus, hinc hic tantum addo, quod ea ex aqua leviori & herbis uterinis confici ac verſus illum terminum (octiduo circiter ante) quo uterina evacuatio vel ad illam tendentia molimina κατ' ἐξοχὴν reſuſum habere ſolent, alternis diebus ſub neceſſaria obſervatione illarum cautelarum, quas paſſim periti therapeutæ de temperato aquarum calore & evitatione diuturnioris in illis commorationis inculcant, adhiberi poſſint, quo-

quoad *posteriores* vero *indicationem*, quæ humorum emendationem & fluidificationem concernit, iterum dispiciendum est, num saltem simplex eorum consistentia spissior an simul conjuncta depravata crasis peccet? illa sola præsentē decocta theeiformia ex speciebus selectis solventibus e.g. hbb. veronica, chærefolii, scordii, Capilli Veneris & aniso stellato concinnata & paulo liberaliter ac largiter hausta satis esse possunt, hac vero concurrente paulo efficaciorum remedium subsidio opus erit, quale certe non exiguum præstare solent vina medicata ex prædictis solventibus, mitioribus antiscorbuticis & laxantibus speciebus confecta, quæ pro circumstantiarum (imprimis temperamentorum & concurrentium symptomatum) differentia & exigentia plus minus aqua simplici temperare & præmisso decocto bis per septimanam modica dosi (ad unciam unam & dimidiam vel uncias duas) interponere convenit.

§. XIX.

Præmissis itaque indicata ratione præmittendis præparatoriis remediis intercalari mensium tempore, tutius imo etiam cum majore efficacia circa propiorem eorum terminum per aliquot dies expectandam eruptionem præcedentes propinari possunt secunda & probatiora emmenagoga, inter quæ quam eximie & eminentis virtutis existant genuinæ pilulæ Stahlianæ & Beccherianæ, omnes norunt, qui easdem unquam hoc scopo convenienti methodo usurparunt. Præter has etiam hoc nomine infusa ex speciebus emmenagogis mitioribus confectæ, nec non temperatæ essentia ex iisdem paratæ, si moderate assumantur, non infimæ utilitatis esse deprehenduntur, modo illa circumspectio adhibeatur, ne sub motuum exacerbatione aut eorundem adhuc præsentē heteroclitico statu propinentur, in qua ultima circumstantia potius pediluvia, fomenta & clysteres leniter stimulantur conducunt. Cæterum uti motus & potus congrue & sufficienter adhibiti nimium quantum ad menstrui negotii facilitatem in st. n. conferunt, ita

vix dici potest, quanta utriusque sit efficacia in ejusdem constitutione præternaturali, si illorum usus cum reliqua legitima cura sedulo jungatur. Præterea adhuc circa matrimonium monendum, quod illud quidem, potissimum si puerperiis legitimis felicitetur, in ejusmodi menstrualibus ataxiis & morbis præcipue virginalibus sæpe egregia medicina fiat; interim tamen utique prospiciendum, ne nimia & præmatura hujus subsidii commendatione ac affectatione perniciosus abusus medici aut patientis culpa committatur.

§. XX.

Expositis ita, quæ ad defectiva mensium vitia eorumque emendationem spectant, necessarium quidem videri posset, quo nunc etiam illorum, quæ excessum involvunt, tractatio therapeutica subjungatur. Verum cum ista in illa mensium periodo, de qua proprie in Disputatione hac agitur, revera rarissime occurrant, non æque placet in ejusdem commendatione diffusa prolixitate uti. sed monuisse sufficiat, quod in nimii fluxus æstimatione & moderatione perinde singulari circumspectione opus sit, ne larga & liberalis excretio illico pro nociva & cohibitione aliqua indigente hæmorrhagia habeatur, deinde, ne, si qua talis contingat, loco convenientis contemperationis per fortiora adstringentia, incongrua sedativa vel coagulantia pharmaca oppositus effectus plenariæ suppressionis curatu priori longe difficilioris imo frequentius symptomatum atrociam etiam ominosioris inducatur. Conf. superius citata *Stahliana Disputatio de erroribus med. pract. & D. D. Præsidis Praxis universalis Cap. 5. de nimio mensium fluxu.*

§. XXI.

Pro colophone demum totius hujus tractationis occurrat adhuc annotanda animadversio scitu non tam quam observatu perdigina, quæ sedulam continuationem & repetitum usum indicatorum aut similium congruorum remedium concernit atque commendat & per indirectum illorum præcipitantiam redarguit, qui medicamentum una vel altera

altera vice usurpatum (imo verius dicendo saltem tentatum) si non prompto effectu expectationi examussim satisfaciat illi-
co seponunt, pro inertī declarant aut plane subinde cum aliis
commutant, cum tamen experientia constanter comprobet,
abruptis & corruptis ejusmodi methodis solennissime non
solum nihil sinceri & salutaris effectus obtineri, sed plane et-
iam positiva damna per majorem motuum perturbationem
in menstruo negotio excitari. His considerationibus ac-
quiesco & laborem præsentem cum eo ob signo, cujus gra-
tiosissimis auspiciis illum vegete suscepi, non fastidiose con-
tinuavi & feliciter exantlavi, gratissimo animo hanc clemen-
tiam agnoscens ejusque ulteriorem assistentiam devotissime
mihi exorans, sub qua nunquam meos conatus destituet
exoptatus successus & salutaris

F I N I S.

Versiculos pepigi quondam (remniscere quæso!)
complures varii commatis atque styli
Verum (vera cano) versus an latior ullos,
hos quam præsentēs? FAULTOR AMANDE, latet.
Non opus est verbis, cum res satis ipsa loquatur,
tam TIBI res scilicet quam manifesta mihi.
Euge! meos plausus reliquorum plausibus addo,
votaque cuncta TIBI multiplicata precor.
Spem cape! non solus dat Justinianus honores.
Dat Galenus eos, datque Galenus opes.
Ast neque Galenus, neque Justinianus utrumque
det TIBI, sed Solus, qui FUIT, EST & ERIT!

Fridericus Leonhardus Deubnerus,
S. S. Theol. Stud.

Errata Typographica.

In præmio pag. 1. lin. 10. legatur tunc pro tum p. 8. l. 8. effectum p. 10. l. penult.
sepius lin. ult. mecum p. 15. §. 8. l. 11. incommoda p. 17. l. 15. tam pro & p. 18. l. 2.
quorum pro qualis l. 25. ommissum est vocabulum typus verbo sufficiens postponen-
dum. p. 20. l. 5. e contrario. p. 21. l. 21. molestæ. p. 27. l. 22. dilucido. p. 28. l. 6. sinistra
l. 28. periodo. p. 29. vomitoriarum. l. 13. actualem ad effectum. p. 35. l. 19. possint.
Etenim. p. 40. l. 18. enumeravi. Reliqua BL. si qua occurrant, ob temporis & pa-
ginæ angustiam excusare & emendare non dedignabitur.